

尚

綱

堂

集

尚絅堂詩集卷四十三

陽湖 劉嗣綰 醇甫

不易居齋集

庚午辛未

余官京師襤被蕭然一歲之中數移研几居大不易
昔賢所歎因名所居室曰不易居卽名其稿

元旦發筆

閭闔門開絢曉晴雲邊喜見歲書庚 觚棱日近純金色

禁樹風高碎玉聲

是日初雪霽

三殿鸛鸞俱翼舞

九天燕

雀亦身輕清班聽罷中和奏鸛吹分明沸出城

春夜寒甚書示稚圭

一星夜火燒松明紙窗茶沸吹瓶笙硯池水活皺春綠筆

底響入風濤聲書中仙蠹半枯死瘦影孤吟暮燈紫門前
虎獻驚孝侯出匣橫飛老蛟子

答陳季馴山左見寄

捧檄傳來是好音開函轉覺思難禁分流水識回時味出
岫雲知定後心漸使宦隨桃子化可容書付竹郎沉移家
仙令船應到海上新彈單父琴

淨生小住借方壺風月前頭感故吾蔗尾縱嘗皆老境蓬
心易轉是歸途往來漫自呼牛馬長短憑誰辨鶴鳬欲寫
舊時離別恨望中春樹太模糊

雅溪圖卷爲盧丈題應秋槎農部屬

昔登八詠樓未上東陽舟東陽烟水日以遠千里長風入

橫卷卷中一水名雅溪萬頃劃破青玻瓈吾家夢得昔到此水樂彷彿谿亭西前人洗耳我洗目兩峴三峯高蘊蘊雲烟飄落萬卷樓指點盧家舊書屋溯自明府丞下逮太乙公溪流繞屋數百載枝峯蔓壑爭西東謝公之墩到公石手植松身亦千尺先生跌宕此中來照影分明岸巾幘夢蘭軒韡和堂堂前一瓣餘古香春明拂衣昨歸去日日杖履尋山莊我今披圖覓良晤約畧先生卧遊處更思夢裏補前遊枕上溪聲聽不住

吳兼山州倅自山左轉餉入都卽題其詩草後

人海重逢寫素襟離筵祇覺酒杯深風塵歷盡名應澹憂患經多病早侵補救豈論官大小遷移莫歎世浮沉因君

動我中流歎天上黃河鑒此心

寒窗坐燼燭三條一卷新詩慰寂寥文字但真終有用風
騷垂老始無聊尋君後夜桐花夢負我頻年桂樹招問訊
卅兮城畔柳故人幾輩蹋霜橋

雨中過疊繡方伯寓齋奉呈卽題其榮性堂詩集

我昔墮地公登科我今通籍髻已皤公來使我不敢老公
志猶雄氣猶飽雨窗兀坐一卷持云是五十年中詩公時
落筆我不知紙上尙有風霆馳公之宦遊遍中土遠自滇
黔近齊魯中間更上越王臺出沒烟湍送檣櫓詩情鬱勃
奇無窮不獨長官能采風長鯨掣得手矯變巨鱣驅出文
清雄我生湖海久飄泊前十四年誦公作豫章城頭吹大

角

先生句

驚我吟魂半天落見公甫及公還朝爲言詩老何

蕭寥如公詩本絕流派氣盛自足吞江湖前人論詩薄吳

體一柱中流近誰砥鐵夫老去蔣山天健者空推沈文起

公詩會與蘇公傳有子況復如斜川一家集出萬口啞那

要餘子嘶寒蟬墻頭淋漓雨聲鬧日日孤吟激同調我詩

續唐忍公笑眼中如公乃年少

偕向亭榮若移居宣武坊之賈家衚衕卽用向亭見

贈原韻三首

六街車騎似游龍小結蝸廬聚此蹤立處更無司馬壁移

來聊當伯鸞春閒中臭味螯鹽淡畫裏鄉心水墨濃一樣

高雲戀蓬島輸君去住較從容

董偉著述行藏在謝墅才名仕隱兼
懶性經年容我長深譚入夜爲君
添題詩別館遊仙寄說偈空堂選
佛拈何苦夢魂還約束蕉風竹雨
太清嚴

高歌不惜動梁塵各門尊前現在
身儘閱雲烟消世幻須留風月葆
天真百年尙有先憂事一輩誰爲
後死人珍重連床夜深語他時題
不到鄴津

過積水潭見新荷作

空潭寫影蕩粼粼爲憶清遊避軟
塵新月自黃新水碧湘天十里不
逢人

蝦菜亭前訪古亭當年詞客太飄
零重來莫唱新荷葉牽得閒鷗夢
會醒

藕耕典試粵西索詩贈別

量才欣荷主恩甄
粵郡名爭水木新
獨秀當峰宜攬桂
同心覓路要披榛
回頭官燭三年事
繞膝斑衣十日身
歸道乞假後夜屋梁顏色好不辭樓角看星辰

五月十五夜月色甚明稚圭枉過夜話三首偕榮若向亭同作

故人如碧月每至輒良夜來共竹外螢清光墮窗罅同居素心侶列坐影相亞百年只等閒誰肯死前暇曠懷聊自慰款語苦難罷吟來思啜茗讀畢味餐蔗却少松下棚追涼選情話

清言發微妙俯拾不得完尋聲理前緒一一環無端心印

自箇中聊以敦古歡琴當傾耳希碁貴歛手觀迂談出清
快月魄升團團

銀河浴雙眼

向亭句

夜靜生光明濕烟起平地一半林梢橫

我輩事坦率客到無將迎但覺巾帶散著體風光輕夕話
不在多秋氣漸以清深坐得淺醉遠懷無近情隔巷柝催
去門外猶車聲

寄李中耆鳳臺

官聲見說勤開墾民俗都應化悍刁重見古圖均赤壤那
容新法變青苗吏才共抱三千牘屯議誰封十二條水利
方修農政善輶軒好佇采風謠

東坡鹽官四絕斷碑爲覃溪先生作

東坡字蹟如飛仙七十九墨空雲烟生平妙墨寫墨妙
石亦已無真傳同時遺事藝林載搜剔古蹟須今賢鹽官
四絕近出土荷插得自吳山前昔公避讒判杭出試畢坐
閤湖樓天湯邨濬河急徵調警遇勝地成流連大觀非復
鳳翔日小劫那計烏臺年茲詩紀遊亦偶耳胸次離絕諸
言詮留題北寺更南寺逃世未得思逃禪蒼檜甘埋雪霜
後白雞悔託飛鳴先天矜公意久持護其石雖缺其神全
八百餘年蘇紋斷四十五字珠光連公書尙肥不尙瘦此
獨山水爭清妍詩中景物亦何有所賴碑字留前緣世間
蛇蚓久僵死元氣縮入千重淵蘇齋夜夜光怪出四壁但
有蛟龍纏紛紛編次孰同異一笑篆裊靈風旋請持烏雲

天際帖同汎虹月江邊船

獨遊善果寺

寺門松陰圓童童結車蓋壇前得初地澹白墮塵外心清
覺香遠香寂心自在客來雲磬散僧飯烟鐘會香火內侍
緣設象千佛對如何塵土障不在劫灰內茲遊秋正高返
照互明晦落葉悄無言霜風上鞍背

朱梅臣上舍以迴避未與試詩以示之卽送其省親

福州署

朝朝燕市抗塵蹤多子鄰居曳履從吟社結來剛過夏書
帷歸去好娛冬舊家况味三條燭冷寺心情一杵鐘天與
清閒教袖手鞭絲帽影較從容

閩中雲樹望層層官閣常留子舍燈
文藝亦須期遠到科名儘好讓先登
羊公豈愛人前鶴支遁終誇世外鷹
我擬江村高卧去待揩老眼看飛騰

移居米市衙衙寓卽琴塢所居之雙藤書屋也因題此詩並寄琴塢

移居無半里此地酒人多君去綠楊郭清風知幾何
棋聲藤落子盡影樹交柯徑欲尋歸櫂沿江聽頌歌

郭小岩秀才將歸京口乞詩贈行並寄令兄蘭池

輕裝只合蹇驢馱遲爾離筵爲醉歌
行處竹林頻悵望悼令庵叔厚也老來藜閣倦摩挲性靈詩得真知少
遇合文誇變格多如此風光太無賴幾人海上唱迴波

君家水閣慣相招我隔京華興漸消頭白何堪卧塵海眼
青畢竟讓金焦心驚秋樹初飛葉身似寒江欲退潮猶有
詩僧留舊約爲傳琴語到參寥

題家松嵐行脚集

長風蕭騷愁送君匹馬蹋上秦關雲雲如行人留不得一
卷新詩作行色天寒入手冰雪詞似吸山髓餐華芝明星
玉女啟齒粲想見峯頂掀髯時仙梯高高路防凍脚底登
山識輕重游山客與在山僧抗手烟霞互迎送山靈降真
燒古香五十七仙來一堂却將仙佛等閒看我輩何必分
低昂君不見昌黎登華命輕絕海外歸還得禪悅又不見
香山題壁千載餘乃與彌勒同龕居君今抽身謁瑤闕笑

脫朝衣挂蘿月泉聲本是一字無流出人間苦饒舌塵中
插脚五十年我欲行脚爭君先還君詩卷報君句明日勞
山訪君去

除夕前一日覃谿先生以東坡嗽荔圖屬題用原韻

雲海傳來第幾圖曾將村落說楊盧六如已斷色香界有

侍妾胡
雲像

千載渾留冰雪膚今日定誰修荔譜新年懸此勝

桃符詩成更博蘇齋笑春酒明朝買玉壺

萬壽寺七松歌

松皆白皮形質甚古
大合圓金元時物也

白雲天際交模糊風力亂卷蒼髯呼七星夜墮化爲石石
理走入松肌膚孤根裂地地創合拘怒作態空中殊壇前
淨掃鱗瓦翠東列三株西四株一松倒挂不受扶兀傲欲

凌秦大夫一松臃腫節目疎如宿瘤女齊宮無一松僵立
一松偃一松側出霜皮枯其餘兩松拱而侍屹若九老來
天都靈旗欲下晝張蓋我到正值濃陰鋪黑雲驅出人鬼
影讓此白地光明珠廊腰忽驚月色大殿角但怪風聲瀟
打頭子落硬如雨恨不止下移圓蒲慈仁寺松亦奇景往
者補入尋詩圖未知手植此何代剔薜一一披碑趺古來
七松隱者徒只恐鶴立吟情孤濤聲隱隱門外落松根一
夢涼歸途

阮伯元中丞招同介亭南雅榮若向亭遊極樂寺

正有看花約欣逢折簡招出城禽語樂到寺馬蹄驕注水
歸深塢流雲渡野橋茲遊無近興碑字認前朝

驚塵飛不到綠擁一庭深夢蝶閒中劫經魚世外音草蘇
通雨氣松卧入雲心花徑曾相識重來轉耐尋

亂石埋朱碣荒烟冑李祠古懷同官渺佳日太參差水竹
沿前代風花惜後時殷勤滌新茗聊唱井華詞
各有蓬萊興何須挂笏斜身隨僧入定心似客還家送鵲
投昏樹留蜂放晚衙不應門外路猶駐軟紅車
小隱參仙佛清譚忘主賓追陪及尊酌洒落到冠巾晚景
飛騰倦芳時領略真他年足惆悵半日此閑身

畫眉山作同梧門先生

地卽黑龍潭

千峰皆黛痕茲嶺望如墨爭持一片石賞此畫眉格豈其
破曉時啼鳥喚宮額美人掩袖來幽花慘無色山均見潭

影徹底墮魂魄古綠垂龍涎餘青落鴉翮所恐靈旗歸暮
雨留不得回頭峰外峰孤雲點深黑

大覺寺

酒香入夢東風溫杏花高低紅一村馬蹄得得石齒齒却
叩牧童尋寺門寺名大覺見額匾應門無人揖黃面暘臺
此去只一峰清水從來是三院藏經高閣開軒檻塵想忽
飄思爭名流雲踢破幾層白脚底但聞空翠聲路旁尋碑
識遼字想見宮人舊粧次餘文得自嘉靖年祈福名藍笑
闌寺燈光綠暗穿翠微繩床埽罷聊息機莊生蝶化不知
處一笑堂前蝙蝠飛

宿憩雲軒聽泉

奔泉來松根，若裂山腹束。此點滴聲散作珠一斛，
茲泉出非濁，流灌繞村足。有源故塞之，如漏隔花續。
決波通地肺，跨澗突天目。遂令水精簾下此千尺，
瀑栖心到鐘磬洗耳勝。琴筑冷然枕上聲，塵慮淡無欲。
雨氣方濛濛，曉烟飛出屋。

塔院曉起看杏花

曉夢如紅雲，飛墮萬花塢。杏花搖過牆，一枝破香霧。
推窗出深院，峯影橫窄堵。鳥語不分明，鈴聲滿山護。
初陽如返照，人意自朝暮。莫近馬蹄塵，青帘認歸路。

萬柳堂補柳詩覃溪先生同作

朱竹垞日下舊聞載：廉右丞萬柳堂舊址在豐臺。

左右荒廢不可考 國初馮益都相國於沙河門
內購隙地廣種柳仍其名曰萬柳堂後歸倉場侍
郎石氏旋改爲寺顏其額曰拈花所存屋不數間
而舊柳無一存者同人因約爲補柳之會屬朱山
人鶴年補圖而余賦是詩

行雲郭外輕催我投古寺客來穿樹出列坐亂行次拈花
固宿緣補柳亦韻事分茲社前雨掬土取易蒔鴉鋤喚園
丁一一看移置他日綴酒樓好隱青旗字

右丞緬高風廉石徙已久後來馮益都此地設林阜固結
烟水緣亦闢文字藪高會歷百年無人茲置酒竹石尋客
名雲烟出僧手翁潭溪詩特清絕阮伯元句亦不偶笑語畫圖

開堂前野雲叟

鶴年亦號野雲

種柳高復低位置貴自然東風日飄蕩新綠搖初蟬此間水破碎曲折如斜川雜之菱芰花與岸相沿綠夕照鄰寺來所少屋數椽屋外何所須擬辦瓜皮船

酒風吹客蘇樓危未容凭門前烟柳絲風至扶不定歸鞭三四五相次候蘿逕塔影新月來鐘聲暮潮應雲心漸欲無塵夢苦難竟天外柳星高驅車盤石磴

是日柳宿直日

送秦小峴侍郎歸城西草堂卽題圖後

淮海去已久風流誰替人山中烟月古卷裏水雲新客夢綠蘿晚童顏丹井春草堂遙指點幾輩此抽身聲名與官職百粵更三湘問俗收輿論還朝補諫章行儉

白雲署重話碧山莊不厭清貧味新詩自一囊

點易栖風磴藏書扣石扉未能忘里社豈爲戀漁磯文獻

成今古山邱有是非遂園風槩在珍重薜蘿衣

時擬歸
修邑志

雲影停高樹泉聲記昔年出應憐我晚歸儻及公先

時余
亦假

歸濁酒憑斟酌清溪入坐眠朝來郭門柳春色上吟鞭

閩上已邀同人萬柳堂修禊

春陰傍郭氣冥濛爲展清遊路不同豈有佳山來閣上重
分曲水落杯中新荷驟雨歌誰記疎柳輕烟畫自工底用
蘭亭補吟卷故人聯步當屏風

送周六次珩下第後歸汴

東風捲散馬蹄塵陌上驪歌不見春十日柳條先我折一

年花樣爲誰新鄉書數寄因懷弟世味無多且養親後夜
金梁橋上月殷勤好與照行人

池塘水剪綠沄沄別意難消爲卯君

謂令弟雅圭

東閣忍聽今

舊雨北山閒看去來雲一身苦少逢時骨萬口空傳下第
文我有酒懷和淚洒因風吹上信陵墳

種桃道士詩

下窪子玉皇觀道士蔡姓山東人年六十餘絕有
力數十年獨居觀中無道童有欲爲葺廟者搖頭
輒避去性愛桃得核卽種之可數百樹門外古槐
一空其心以瓦石投之便啟戶出花時人罕知者
余爲作種桃道士詩

狂風奪路吹草根野人席地傾芳尊
牆邊獨樹苦無主啄木一聲聞
扣門應門無人道人出髮蓬蓬然
眼如漆巡簷導我樹底行語我生平
種桃術自言種桃老歲華一核着手
成一花花邊日日迎曉霞不用九轉
還丹砂花時看花候桃熟臣朔若來
偷不足苦無隙地好種田桃實如山
滿坑谷門前不識漁人舡一笑但覺
顏如桃六十平頭三百樹樹樹跳擲
隨猿猱我尋元都苦無伴少君十年
百過半待君悟道更幾時歲歲桃花
觀中看

五十初度答諸同人卽以留別

春歸便擬賦歸兮悟到知非物自齊
出世偶逢過佛日還山原似下仙梯
長生訣待尋丹鼎昧死恩先荷紫泥
競

說懸弧好時節開門只合當幽栖

人生五十敢稱翁况有堂前講幔重每憶課書勞夜績還
思負米及高春壺冰自愛清閒味鏡雪渾防老大容一領
萊衣珍重著行行慈母手中縫

熙春樂處似春臺爲有同人此舉杯花事共拋佳句到樹
陰親借好書來深深款語難忘世娓娓清談莫使才慚愧
遠夫詩法淺遲他燈火爲敲推

鄰家排日置清觴逐隊風花細細償閒拾墜歡尋夢境且
扶殘醉入歌場鏡湖有地身將乞陽羨無田願已忘因過
中年哀樂減庭前絲竹漫思量

停雲樹樹戀春暉猿鶴相嘲好解圍漉酒佇開陶令徑讀

書重下董公帷新蒲似筆留人便細草成茵送我歸官柳
不應攀折盡郵亭一路拂容輝

送張遠春孝廉下第南歸

薊門樹色上吟鞭魯酒無端到別筵藉草好尋春去路迎
梅剛入雨來天半帆待剪千篙水三版方沉萬竈烟望裏
樓臺原不定紅塵少處卽遊仙

舊家庭院憶芳時三十年前五字詩

遠春家居塔射園余
己亥庚子間舊遊處

塔影最宜臨水照雲心休怨出山遲誰憐老鶴誇高格且
聽新鶯唱別枝應有故人天末望厓公嶺下寄相思

寄朱鐵庵文學

鐵庵未識面相見先以心涼風天外來吹墮聲歎音孤情

警一往昨夜迷三尋眞賞無淺懷動與山水深李下絕故
蹊苔邊託同岑思君若明月流照天涯襟

君詩如寒潭石骨綠到底所貴澄其源餘波勿使靡池塘
昏草色酸淚滴紙尾資氣一以眞比興無近體清琴固希
聲濁酒亦妙理優孟而衣冠安知有悲喜

黃峰三十六朶朶青蓮花花光絕靈氣來往山人家千山
涌一海浩綠天無涯光明最高頂飛出金蝦蟆讀君遊山
句詩骨松槎牙暮氣安可乘我欲陵朝霞

寄題鐵庵苦筍齋

聽說滄江月年年照米家唐賢一時妙晉墨數行斜書味
分餐蔗詩情入煮茶於茲得禪悅玉版不須誇

快雪成今古停雲幾暮朝

余家藏停雲館石刻

鷗波殊漠漠鴻爪太

迢迢購帖無青李臨書有綠蕉

素公遺蹟在莫遣古烟消

蔡佇蘭孝廉約同南歸投詩訂期原韻奉答

出山雲與在山泉共此蹉跎半百年聽雨話留懸榻地看
花眼冷散場天江心儘有迴帆鼓世事渾如上水船遲爾
歸途三宿戀郵亭殘墨總茫然

五月九日乞假出都同人送予郭門外占此志別

晴絲蕩天風郭外見高柳僕夫催登車兀兀如醉酒所親
六七輩道旁佇執手別語良不多心寫亦已久前途安可
知後約所難剖未容西笑向但遂南轅走惘惘馬蹄歸知
君幾回首

尚絅堂詩集卷四十三終

尙綱堂詩集卷四十四

陽湖 劉嗣綰 醇甫

循陔集 辛未

余以辛未五月乞假南還仍有負米之役舟行多暇
取歸途諸詩及武林白下邗上之作共爲一卷雖身
行道路而心結庭堦粲粲門子相戒以養亦寸草之
意云爾

得雨

白雲滄山腰栖此碧霞宅纔看觸石寸喜報入地尺彌漫
徧東嶺霑洒到南陌風來猶舞雪雨沛卽靈澤全齊盡眼
青寸土不許赤麥畦爭補綴蔓水各區畫城消菜色半市

減穀價百嗟嗟車中人慰藉此心惻無田良亦足負米未
遑息飲泉氣已蘇瞻漢思何極載渴中夜興山南望山北
富莊驛壁見蔣師退遺書漫題

墨淚三年別音塵一死慳忽驚荒驛字悽斷蔣家山詩草

終何補

昔見秋竹
爲梓遺集

官錢苦未還報君應慟哭老母尙閒關

留智廟尋壁上舊題句不得書示元淑蓋憶乙丑春

同入都時也

店月橋霜各自知七年前事費尋思曾傳面壁籠紗客可
憶移床選話時豪氣便來須借酒艷情將去欲拋詩與君
拈得無生語悟到黃梁飯熟遲

開山汎望岱

車塵塞谷口，詖蕩開東封。翠屏插眼前，天海搖心胸。羣山拱一岱，如水爭朝宗。巋然封禪臺，羅立兒孫峯。是時火雲起，初出金泥容。炎官張繖來，樹影不敢濃。

九重軫雲漢，昨掃天壇松。綠章達紺幃，百職方効恭。茲山足靈爽，呼吸相追從。勿叫日觀雞，且吼陰崖龍。

樟下夜發

盲風卷月氣，陰森亂石叢。中路轉深樹，杪雲停銜岱色。山坳水落響，宮音故人漸。似晨星少荒戍還，愁夜析沉此去。迴腸千萬折，車輪隱隱不堪尋。

十八日宿泰山下大風雨不得登

廿年人海紛迴旋，胸中變滅生雲烟。靈風吹墮泰山麓，假

我半日看山緣山雲萬態互明晦雲影破碎山光全彩虹
垂空白蜺縮首尾倒貫峯腰連盡收水氣攝海入亂酒珠
瀑傾瑤田蛟龍不到玉皇頂峯名下視但作僵蠶眠我來三
度值風雪不得躡景凌飛仙天公倘忌壯遊志故放三日
兜羅綿樂生元淑與子盟息壤他日誓宿青松嶺長生藥在
采亦得重來坐保遐遙年

羊流店弔羊太傅

羊叔子兩晉清流自君始角巾不返故鄉風衣帶還留此
間水生前淚洒峴山痕死後來酬酒一尊笑看銅雀臺前
伎漳水東流日夕渾

蒙陰道中得四斷句示元淑

山行犂确馬啼痕綠樹陰中黯客魂欲覓那回吟睡處烟
斜雨直不知村

山田顛倒安碁局野井縱橫置鹿盧但得動中參靜理眼
前俱是輞川圖

落日山凹路易昏村醪如水不成溫行人風色晚來急一
樹馬纓花在門

垂楊折盡路旁枝約略當年髻未絲陸續自尋車上夢零
星重補壁間詩

亂石行

入山山不識亂石山中立出山山不知亂石山下馳入山
出山山易誤石不能言但能怒石言倘似石心堅底用山

前占山路吁嗟乎石亦不可轉山亦不可移出山入山徒爾爲

廢堠

弔古經過幾戰場狼烟銷盡見荒莊車猶記里分雙隻戍不知更誤短長鼓角危樓都歇絕弓刀畫壁尙飛揚老兵猶省傳烽地被酒還來話夕陽

古冢

一路樵烟沒草痕更無祭掃到兒孫道旁弔影行人斷碑上題名故鬼尊幾輩文章都諛墓兩家姓氏罷爭墩村醪擬向青燐灑風馬歸來日易昏

破刹

蕭然祇合住空王
斷磬零鐘古道場
壁上傳衣尋壞色
殿前飄瓦說靈光
諸天衆散猶留鉢
初地人來偶炷香
欲辨殘碑識年月
一星佛火黯廻廊

舊解

堂未成墟砌已積
六房如水長莓苔
放衙吏去留山色
退院僧歸話劫灰
手板罷延新客入
頭銜曾署故侯來
此間聽慣應官鼓
兩部蛙聲沸草堆

空宅

屋角朝朝冷爨烟
當時里第說雲連
犬因宅拔還隨主
狐好樓居亦署仙
題鳳舊曾邀過客
賣驢誰更索租錢
閒來合借王猷住
竹影蕭蕭種幾年

荒野

橋斷惟聞響急湍
爨烟飛入曲闌干
賭殘綠墅基都散
賣到青山藟亦寒
燕麥風前催我老
鶯花劫後剩誰看
騷魂醉魄渾無賴
祇乞留題號瓦官

剡城憩傾蓋亭

欵語曾傾蓋清風爲置郵
亭懷古君子城溯小諸侯
邑志留名蹟昨歲同里吳禮石令剡城曾修邑志
山圖補勝遊停車思往者雲鳥

亦遲留

途中聞蟬

漸入江南路聲聲奈爾何
水雲涼若此槐柳陰無多
急雨還迷岸迴風正渡河
平生抱仙骨所得是勞歌

宿仲興鎮聞王營口決將由此登舟渡河矣

到岸重尋問渡緣火雲影裏水連天飛蓬笑我頭將禿倦
柳如人眼亦穿愁見馬蹄經壞道擬浮牛鼻當歸船車中
不忍沿流聽恐有哀鴻萬口傳

征衣

征衣重抖擻明日卸車塵梅雨連番漲桃源孰問津山城
疲馬骨水屋蕩魚鱗敢說勞生苦風波有此民

途次偶得絕句先寄金子青邗江

離合年年馬耳風客中爲爾憶江東蘇州烟月新來賤十
載雷塘作寓公

香山留得孤龕在每欲傳燈苦憶君我亦蘇齋

謝道溪詩先生

弟子朝來一樹一停雲

漢陽飛下一黃鶴湘水擲來雙鯉魚一自粵江風浪險經

年不得子鸞書

謂王軾因近客粵東也

子春死別子山貧絕憶西江幾故人留得子青青眼在綠

楊郭外是前身

謂周子春吳子山也

花耘艷說新詞好三十六灣題草堂

子青好譜長短詞近為花耘題三十六灣

草堂圖下減玉田也

我欲共君傳笛譜水雲深處結漁莊

虹橋西畔路斜斜隨意徵歌三兩家聽說疎籬重補後更

無消息問秋花

征途我最悵離羣幸有清談樂令君

元淑

喚得亂鴉天外落

不知是墨是烟雲

渡河

水影綠搖岸沙痕黃拍天江南與江北客興落誰邊
路是乘槎返河真渡筏來清江如畫裏剪得一帆開
別院方銷夏孤篷早聽秋憐他歌吹歇一鶴下揚州

塗中見荷花示元淑

葦聲蕭蕭水中路天外紅雲忽飛渡臨流怪底雙眼明白
驚丰標晚晴賦笑呼樂子爲駐車此間荒岸與三叉江妃
深夜步不到野風吹送蕭荷花

抵邗上偕子青竹海夜集元淑寓齋

依舊揚州月相逢認鬢華驚心出塵土冷眼到風花門戶
勞生苦樓臺望影賒曹騰一樽酒鄉夢已還家

舟行見殘荷作

高詠樓頭別幾年年時烟水最田田
荷花直甚無情思不盡當風淺笑天

聞干面面落空江曾照驚鴻影幾雙
多分客腸無斷處柳絲搖夢入船窗

敗葉荒荒滿曲汀冷烟慢雨各縱橫
秋來寫不傷心出流斷枯紅是水聲

真州官廨與屠孟昭夜語有述得三百字

孟昭吾素交風雅乃所親翛然出儕輩
詩畫推絕倫與君舉同榜粵歲在戊辰
長安北屋居倒屣冬與春所歡六七輩
時亦列座茵激昂杜甫懷一一思致身
君以短小軀所

至氣獨振但覺肝膽古都忘警欬新因數東南才不少世
所珍空囊事浪遊未免拜路塵相傾各太息以此眉不伸
士氣日以薄風俗安得淳君今官真州所率惟一真我輩
坦白懷推赤須及民此地鹽筴區患匪徒士紳所苦財賦
感力匱如積薪飢來爲驅之賁路投荆榛重以流亡餘轉
徙多水濱吏治久隔膜視之如越秦豈其爾赤子甘與盜
藪隣懲一足警百當示遷善因慎勿滋蔓延要使頌化神
蒲鞭辱能勸肺石隱用陳道貴繞指柔不恃鐵殺人薰良
卽辟邪豈患梗不馴君勿小一隅所望化理臻君爲賢長
官我亦部下氓斯言和淚嚙不比酒在唇宣尼泣遺愛此
意良苦辛口碑在道旁他日稱吏循

偕父積堂夏慈仲城東張氏園亭觀荷作

城東園盡開

其類日城東園盡

一墅如綠野亭亭萬荷葉風露浩

盈把踈闌繞其上竹石互間雅遊人鱗次來列坐飛翠傘
及生吾故人夏子亦瀟洒當軒理茶事水色映磁瓦秋語
深碧尋暝情墮紅寫歸去一襟風柳邊方繫馬

抵金陵寓承恩寺贈鴈巢上人

秋來何處更呼鷹寺裏逢樓試一登桑下可無三宿客松
閒猶有六朝僧能將腐氣除蔬筍會使清言斬葛藤詩法
也須宗派在影堂五世有傳鐙

遊莫愁湖李竹香秀才邀飲樓上作

湖風吹波波不靡岸上無人濯羅綺一千年後荷花嬌楚

袖障風來十里蔣山插髻堆晚晴奩鏡落水天空明水天
搖搖碧無際只許酒面紅潮生酒人登樓日三五不見烟
中一枝櫓跳珠時上尺半魚花鴨穿花共吞吐莫愁名字
非一鄉遊者聞煞聞風光清秋千頃苦無託勝基猶說中
山王荷花笑人墮紅影客亦思歸酒風醒垂垂屋角柳牽
絲似繫當年石城艇

夜泊銀山下憩大石山房簡范道人卽送孝逸過江
銀山潮頭如永瀉銀礮疑生礮城下擲衣徑入贇公房忘
却空江火雲夜山房海棠秋一敲石骨自綠肌膚紅道人
時或方兩瞳餐此當與丹砂同綠瓜沉來好顏色且飲瓜
洲落篷客可能羽扇借風來送我歸帆破烟碧

哭陳理堂學博

無復天涯泣路歧，巨卿告夢總然疑。
一家計重情爲累，八品官卑數尙奇。
身後雲烟歸浩劫，眼中星月隔前期。
壬子入都計二十年矣招魂忍看銘旌返，雨雨風風黯酒旗。

憇第二泉

歸來重照故山泉，面皺觀河祇自憐。
留得清風繼桑苧，一甌寒綠似當年。

片雲只作暫時遊，石上牽蘿笑未休。
今日塵心應洗盡，山中不獨此清流。

蓉湖歸舟示諸兄弟

柔櫓搖空碧滿湖，全家笑語一舟孤。
鐘聲過水涼魂夢，塔

影依天染畫圖語到悲歡原拉雜事經聚散易模糊故山
只合歌招隱叢桂年來徑漸蕪

吳門過巢松新居出示移居詩答贈五首並東雲繡

方伯

八月平江路秋烟貼地飛青帘離鶴市白板隱漁磯徒較

新豐好居曾舊舍依

舊居學宮旁

巢痕來燕賀世澤本烏衣

昨歲歸田叟當年出世才身隨山豹隱手掣海鯨回榮性

自高樹

所著有榮性堂集

蕭神餘古苔趨庭故多暇詩禮足追陪

小住蓬萊日逢君便拍肩詩爭萬人敵名占一家先畫壁

留今雨書囊發古烟臥來良亦得讀梵與遊仙

讀書處曰遊仙讀梵

之齋

買得吳趨地能通笠澤舟門前一灣水洗淨綺羅秋蘭箭
簇成障桂叢香入樓欲尋奇石拜袍笏亦風流

櫺表歸雲在慚余舊草堂未容三徑掩何止一莊荒把盞
留中夕停鐘問上方等閒題醉墨惘惘出迴廊

舟過烏鎮

吳根越角聚畊桑一路低田入水鄉隄上人家隄下客村
歌不及櫓歌忙

忘却長亭更短亭秋桑兩岸總青青女郎笑指桑陰說儂
是天邊織女星

城頭月子照團圓水上生衣起莫寒笑捧菱塘千萬葉隔
湖飛出爛銀盤

戶倚樹相宮商宮商亦何有風水聲浪浪

方塘無急流徹底罨蓼荇遊魚天上來破曉日華映前時
俯曲檻深綠鬢眉淨冥冥三日風昏此一奩鏡面皺不自
知心空復誰競還當沈吾眼照見寒潭性

秋深柳條悴忽減淡綠姿庭前一葉黃知在高梧枝竹柏
互相雜風日無參差榮落質使然要貴方寸滋不見階下
草青青行後時芙蓉固離披拒霜安敢辭

招鶴亭

高雲栖松一層白墮地飄然化仙翮園丁拍肩向我言當
日亭陰鶴安宅夢中羽士昨叩門曉起尙曳衣裳痕舊巢
已缺補不得獨立天半招其魂茲亭有客苦無主恨不鶴

來相爾汝鶴來慎勿乘軒來脫幘與爾雙裘裏

栖碧上人從燕子磯來乞題逃聲琴閣圖賦此應之
逃名不得思逃禪襍被獨刺秋江船欸音未歇海風至江
閣乃有琴聲傳琴聲在山亦在水山水聲從太希始十年
不惜千萬彈借問江邊幾鍾子我生兩耳久不鳴無琴豈
止琴無聲筵前爲我鼓一曲移我情處先忘情山中昨夜
風雨急閣外孤桐定應泣請君焚琴勿挂壁江水驚飛九
天立

淳熙井

瞻園有古井曰普生泉井裂石
有淳熙丙午邵永堅建八字

淳熙丙午六百春邵永堅字題名真銀瓶牽斷轆轤歇古
井不照今時人景陽地辱鬼所恥茲泉普生亦枯死石痕

斑斑土花紫有客寒燈搗心史

雞鳴山散步

午烟出深竹嶺斷聞雞鳴披草入山路瓦色悽臺城孟蘭
節已遠鬼火猶宵明白石不可餐滿埭堆落英十廟有新
社六朝無故營我知寺門佛西笑天無情惟餘後湖水終
古鳴咽聲高歌下山去松頂悲風生

飲孫伯淵觀察澄碧池亭

冶城無冶姿一水學山色方池堪作鑑徹底看成碧淨痕
無半篙倒影有三尺魚行綠天上鱗翠活千百我來導其
源螺旋見泉脉堂前多古文一一界苔格闌干亞其上渾
不辨主客樹光搖吟魂雲影蕩酒魄車聲門外至問字日

雙積誰青誰出藍請此照巾幘

過邢氏園亭

一亭一石水一折十步天搖千里碧江南無此閒畫船悔
不流觴安主客主人乃是邢昉孫髣髴石曰湖邊村我來
覓句掬寒綠莫誤催租人打門

慰飛雲飛霞二閣

萬瓦接松翠獵獵長風斜炊烟白不成天半飛雲霞俯閣
下無地樹石紛槎牙了無金碧痕廢作礫與沙土氣蒼蒼
古天心厭浮華如何白門柳所種非桑麻道人寫生著
手成春花我來適紅葉替綴楓林車東岡只十笏西嶺餘
三叉歸尋卜公墓落日投神鴉

寒夜讀北江編脩更生齋詩集感書其後

先生生氣如虹橫東市不死西荒生號曰更生

死爲有詩傳名先生之傳不獨詩就論詩筆誰敢持只今

死後憶生入九地還應九天出韓潮蘇海筆最奇遷謫定

與南荒宜天西頭句先寫照但恨未到天西頭合上西天

鑿天竅燕遊我記更生前其年雪大如堯年已未二月余偕行入都途

中積雪深數尺許先生卽以是冬出關豈知蹋雪天山天百目開出詩千篇

篇篇奇景抉殊致指筆崑崙笑題字出入生死人鬼中弔

夢歌巫總多事先生更生真曠恩儻有不死精靈存只

愁銅柱邀遊魂死後不到南天門溫都斯坦有堯時劍柱相傳塞外人死者多歸

之如內地之不然生天入仙籙文苑傳詩死亦足然黎我有岱宗云

愧劉更生欲借長眠漆鐙讀

寄題周恒圃秀才玉山草堂圖時客武林

玉山草堂無定名畫中曾拜顧阿瑛茲圖罕地爲君展云
是君家玉山卷玉山之麓君村莊兩峰高寒開草堂百城
書擁一家讀勝似八詠推東陽我從金華識君面歸去定
知山不厭新來重遇武林城却爲西湖苦留戀君詩絕似
玉溪生格比玉山樵更清圖來使我嚼宮徵水樂入山無
此聲我歌玉山行我醉玉山倒寄君醉墨殊草草雪後尋
君玉山好

藿甘園

一松一風聲一石一雲氣園無半畝寬富有岩壑意方塘

盡眼碧虛洞忽無際迴闌抱曲廊而壁能縮地題名半前
朝石骨琢峭厲蘿陰自高圓光景復虧蔽人生幽邃懷往
徃出平易一山生桂叢十步遇蘭砌百里固得賢鄉亦善
士契願言茲暮朝莫問苦同異

憶昔行留別雷鐵嶠學博

里中寡世交我請話疇昔翁家住橋南我家住橋北兩家
只隔橋一條橋下日日聞鷗招我時識翁歲四五翁正縱

橫氣如虎一家昆仲大小雷

謂令弟晉

往往雷門聽撾鼓鼓聲

歇後聞鐸聲翁忽笑指潛山行潛山二十載吹落金陵城

君由潛山學推江寧教授

金陵學舍城北置鴨欄麋籬領幽致雞鳴寺

角卽臺城忍得朝飢等閒事兒童盡識老鄭虔我亦亂髮

行匪肩對譚塵事人不省匏繫一官翁更冷我家老屋瓦

打頭丙舍况復連山邱如翁十輩不一留城北王叟

春溪明

南尤

溪南師

山中訪舊但傷逝并少黃壚酒堪買搖櫓人都

喚四朝應門僕已無三世我今遊倦將高眠清溪溪上看

雲烟待翁歸來隣再結策杖橋頭踢殘雪

辛未主尊經講席將歸里門阮小咸秀才以詩贈別

卽用其韻答之兼示書院諸生

蓬島迴帆海上經別來寥落數寒星品泉偶汲江中水掃
葉重登木末亭買醉玉壺空有價鎮心銀液苦無靈鍾山
一角將離色却爲新詩眼尙青

高閣橫經西復東輸他鈴鐸語風中琴聲未辨牙期奏鼓

節虛陳魯薛宮洞口定誰題白鹿門前祇似繫青驄天涯
泥雪尋常印底用心期託曉鴻

北山雲笑往來疎少日曾停問字車塵榻賸懸方外友漆

鏗空對冢中書

謂隨園冬友諸老

難忘舊社題襟後又到新亭縱

酒初二十四航烟月冷廿年前客興何如

余不到金陵二十二年矣

瞻園水竹選清遊直爲尋詩得小留玉局幾曾堪嗣宋石
經無事強呼劉意行到處船牽岸坐論何妨屋打頭明發
白門風色緊柳絲特地寫殘秋

由金陵至邗上塗中曉發

勞勞亭柳太婆娑客自迴腸水不波人半百餘聞未得月
初三夜淡如何軟紅蹤跡經沙聚衰白情懷賸墨磨依舊

諸侯老賓客霜天襍被怨關河

龍潭道中早行

千林飛霜地橫素興丁肩輿覓村路村烟開處忽見山曉
日團團散寒霧荒雞膠膠家一窠店酒不緣顏難酤今年
天欠小春色遠樹抱得冬心多雲頭近接華陽洞定有仙
人來躡凍忘却江村舊板橋車箱攬入燕南夢

抵京口遲祐甫舟不至因宿銀山元壇宮

埴鈴丁當語江閣渡口船稀風色惡回頭但見黃葉村盡
眼都迷綠楊郭白雲出戶我入山一杵鐘聲喚人宿

張舸齋邀飲江上之臨東亭醉中賦贈

酒懷枯死渴不開江口怒捲濤聲來臨東亭前日濺灑將

水添入黃金杯江亭主人舊張緒岸柳留人不能去離情
搖動十年前寒綠須眉冷相聚飛雲履鳥我倦遊君尚逸
興凌滄洲橫圖卷出武夷色君近自武夷歸繪圖索詩呼吸石髓窮冥
搜君詩曲折寫清快縱筆還愁海門隘鶴聲一一飛上天
無數江豚下風拜驚濤脚底雷雷奔拋珠濺玉不敢吞狂
飈吹落闌干唾恐有當年舊酒痕

舸齋屬題清娛閣遺藁

唱隨雙賭筆玲瓏悽斷連環解脫中諸子學曾經慢授一
家詩賸壁紗籠海門雅堂兩世均以詩名齋頭疏栗才原亞屋底牽蘿
計未終慚愧徐陵華思減清詞輸與玉臺工

汪孟慈孝廉授經圖

邗江浩人海中有一畝廬蕭然竹石閒恍映山澤癯伊人
抱病骨把卷味則腴出圖來乞言爲述先世餘先人古之
狂述學以自娛方君授經日卯角有令譽寢饋二十年先
志守弗渝世儒蔽聰明動爲箋疏愚學詩滯佔畢訂禮誇
鈔胥性靈窒不通往往徑竇趨厯世本坦途轉困三十車
古來註家學豈獨歆向俱丹鉛乃素心勿以朱紫紆我茲
奉養歸守身弗敢踰本無慕羶懷縛此餐蕖軀因君接古
歡若非今與居清思薄千秋肆志遊六虛偶綴禮堂翰翩
生華屋吁歸圖詩質君君亦倘啟予

重過題襟館感賦

塵逕重尋竟惘然古苔上砌草生椽雲烟黯沒曾題壁風

雪膏騰又泊船卷裏略無經宿語因中聊現再生禪年時
手植階前柳只分忽忽繫馬緣

舊遊曾此畫圖開清宴堂中蠟淚堆吟社已成流水逝酒

壚何苦朔風催

年來同人多半下世

新黃月寫天離恨古綠烟飛樹

劫灰聽到竹西歌吹歇小迴廊角一人來

秦敦夫編脩梵寄圖

湖山閒冷費禁持畫裏逢君爲索詩衆影似潮聲似海大
光明地立多時

市樓十日悶塵踪我亦栖心到鷺峯潑墨忽驚窗紙暗白
雲浮上一聲鐘

簡陳受笙孝廉

河流南下接江津記得攀條別 帝闈自顧略無經世具
相看同作出塵人珠槃早謝三千客花讌曾充十萬緡今
日勞勞役車馬鄭莊置驛定何因

孟昭宰儀徵製紡車數百邑民願領者設局給發更
擇人教之各上其課以察勤惰欲於所治隙地種桑
興蠶織之利民甚樂之作此以寄

鐙火機聲一萬家

民間機聲句有夜夜月明無犬吠家家鐙火有機聲之句

明年報政

是桑麻春風綠到江南岸却笑河陽樹樹花

江湖自笑太勞生只少陽春脚底行采得東南好謠頌水

車聲與紡車聲

同邑李中耆宰安徽之鳳臺修水利事開墾所治之地幾無曠土

爲李冠三孝廉題寸草軒圖

蕪城薄風日萬木蕭蕭吟伊人掩蒿廬耿此寸草心端居
故多暇急景良不任所恃抱素衷浩蕩接古今祖視先世
田父晝良士箴采采陔南蘭以茲戀故林前年事京洛塵
土十丈深一領慈母衣點綴不敢侵胸有徑寸珠肯昧尺
與尋所以抱道處弗隨波靡沉高松聲晝號苦竹氣夕森
但留階下暉終返窮谷音我亦遊子軀展卷思不禁願言
勗令譽永爲君子欽

金沙雪後過豫林園故址

蹋雪來尋舊草堂

地有春草堂爲外家讀書處

垣衣近接子城墻荒寒

水氣吞積岸慘淡人烟黯夕陽壞壁尙餘前代碣平泉空

說古時莊外家喬木今垂盡留得鐘聲出上方

十二月二十二日金沙歸舟漫賦

寒塘凍積波峻嶒船頭千杵喧打水河兵袖手死灰色前路糧艘行不得淮甯水厄民苦飢救荒其奈寒無衣哀鴻結陣掠窗過冷酒孤斟淚潛墮

立春日飲趙味辛司馬齋中卽送其關中之行

暫繫歸橈飲巨觥燭花移照雪分明盃中臘酒來春色卷裏新詩入夏聲鄉話久踈如夢寐壯懷垂老尙縱橫故人聞道秦中滿不用臨歧唱渭城

尙絅堂詩集卷四十四終

尚絅堂詩集卷四十五

陽湖 劉嗣綰 醇甫

循陔集下 壬申

春分日渡江

雪晴無幾日寒雨一江連
破曉孤帆夢分春萬瓦煙花遲
高下樹米貴去來船客思冥冥處殷勤望遠天

顧兼塘孝廉將之蜀中道出邗江見過話別

萬竈煙沉水漂屋此間不樂君思蜀
江城過我忽繫船歛若虛舟來不觸隄岸方
看秋潦收田疇轉苦春霖足豈有漏天供石補
更無隙地容錐卓雄心遽作萬里遊壯志難
教一隅局從來浪走歎勞薪此去風馳如破竹
驛路爭垂

柳眼青江天直接峩眉綠枕邊三灘兩灘入劒外千峯萬
峯矗況有子雲亭上客謂蓉裳師且尋杜老橋頭躅空江字水
有歸人寄我新詩筍一束

孟昭自真州來出示準提菴觀宋梅詩醉後走筆作
此

一冬冰雪凝胚胎二月未見江城梅翠禽夢斷雀凍死官
閣不復浮金杯君來訪我恍索笑袖底突出新篇裁準提
菴梅未時樹一夕特爲詩人開詩中道氣出仙骨攜得浩
態狂香來爲言此梅被數畝上插晴昊叅樓臺春寒日日
勒花信花怒橫生萬枝迸腳根不許淺土搖鼻觀能交遠
香淨丹還未改霜風色玉照長存煙月性世間榮悴有遲

卑嗟我與花同一命君家葛嶺吾所望林逋梅已成荒莊

隱仙鐵佛舊遊處

金陵隱仙菴燕湖鐵佛寺並有古梅相傳爲宋時物樹樹偃蹇空

山旁君今花縣高河陽春來但課畊與桑此梅出土七百

載日鑿天竅傾天漿真州三萬四千戶

孟昭設立保甲儀徵鄉城共編三萬

四千四百七十四戶花亦應代窮人僵花枝僵死豈足惜鐵石未必君心腸君詩兀傲如古狂相對不飲咀宮商還君詩卷別君去歸臥紙帳空徬徨

寒食日示元淑

蜀岡真是漏餘天冷節重逢說禁烟別院看花如隔世空齋聽雨得長年春遊北郭曾挑菜昨夢東坡爲品泉
故人同話舊襄陽別傳鄴中編

答史仲仁見贈原韻

煙江籠柳讓誰誇風雨何堪作意斜
曉思冥冥如困酒春魂黯黯欲拚花
虹橋感舊無多客燕社依人不當家
擬乞梅溪新調續

仲仁工倚聲

隔牕驚散幾叢鴉

吳香竺明府自粵中轉餉至清江相遇邗上卽贈

海國音書久未親江亭握手亦前因
最難簿領稱循吏聊借征帆作散人
老臘鄉心到林壑窮餘仙骨在風塵
行囊貯得新詩滿舊友看來意較真

爲譚心曲轉無聊暫乞湖山幾暮朝
遲爾瓜期程緩緩慚予蔗境味寥寥
鬢邊未許新霜入襟上都看舊酒消
二十年前塵土夢一番洗眼過虹橋

上巳日洪桐生太守招同人集古梅花嶺脩禊時風
日寒色殘梅尙未盡也

湖山遲好風鶴背忍寒立前岡探梅遠令節采蘭及主人
洪崖仙揖客竚階級延緣古棗嶺樹石瘦劣歲月無二分
映塵有徑寸襲一坏土自乾半壁天尙濕衣冠曠前躅軒
蓋紛今集憑闌思解帶傍樹欲欹笠深憐時晚晚小破境
荒澀虹橋尺咫連襖詠記重疊羽觴飛不去嗚咽水聲急
杓冷雙鷗鷁箋忙萬蝴蝶留春壺影搖款夜燭光接親開
主客圖手擘往來什休誇天寶事已勝永和帖高懷互綿
邈暮氣散蕭颯一笛上江城濤聲莫吹入

初四日穀人先生招集補脩禊事用鐵厓集中花遊

曲原韻

綠楊城郭天溟濛
遊絲低罥湖亭風
柔櫓無聲碧空裏
壞垣苔衣冷於水
一條草色水東門
沿堤不見留仙帚
天涯閒過蹋青步
怕到玉勾斜畔路
壺菴主人折簡來
海天深淺紅螺盃
梁閒行塵落茗椀
只少清歌出吟板
夢烟舫隔西湖西
松枝掃壁無人題
催詩合倩催花使
壓倒蘭亭人廿四
酒腸闌入衍波箋
不賦春江蘭芍篇

揚州餞春曲偕元淑仲仁作

一年春無十日晴
門前流下春潮聲
一春天無三日暖
雨腳飄春春不轉
江城消息到已稀
楊花李花相對飛
天涯幾樹得春顧
藍尾拖春入歸路
餞春能使客心悲
酒風衣

上年年吹衣痕紅退空搖淥壓酒吳船已終曲江頭不見
舊春人明日津亭愁送春煙波漠漠喚歸艇背翦春風寫
春影

次日偕石士受笙仲仁藕舫竹海集元淑齋

列坐各瀟灑一庭新綠深淡濃攬客意醒醉雜鄉音盤藪
還家味瓶花出世心遲他鄰巷析歸路月中尋

次日穀人祭酒劒潭太守復招同蓮龕石士秋竹元
淑子瀾集安定書院時庭中桃花盛開卽席得句

燒春宴後尙陶陶階下初烘一樹桃酒面最宜風色冷花
鬢渾與夕陽高離蹤偶合偏成戀醉眼能醒亦足豪今夜
定知鄉夢誤吳江水長又三篙

是夕與元淑復飲蓮龍觀察舟中卽送其渡淮
狂風卷月夜出城城邊人影如雲行醉中兀兀上船去酒
潮復向春江生船頭官鼓忽停手鼓未催花且催酒爲君
不惜盡百壺明宵一月搖珠湖

題襟館海棠將罷悵然作詩示元淑

零落紅雲委古苔碧天酒氣尙裊裊花魂墮地銷難盡鳥
夢離巢喚不回燭短欲隨明月去闌空翻怨好風來庭陰
似水無人到忍向閒階數劫灰

湖望

湖天無路接春波望眼偏宜野外過新綠成煙離樹少夜
明如水上樓多繚垣缺後思移竹破屋荒來待補蘿醉魄

騷魂誰約束年時此地半吟窩

棟風梅雨不宜晴館裏微波舊有情已慣尋詩臨水住徑
思約夢繞山行模糊昏壁如看畫零落殘碑不記名送得
春歸春未遠碧空雁櫓已秋聲

過受笙寓齋得句

浪擲風光一短梭午陰恰伴病維摩夢回但覺春餘綠畫
裏忽看秋始波地許閒吟留樹密天教破例禁煙多與君
昨有清遊約可要吳船暮雨歌

王竹嶼

鳳生

通守服闋之官浙中過訪錫山屬題白

雲迴望圖卽用卷中諸公原唱韻

烟綃點破碧雲鄉中有瀧阡墓正長塵事去如三島遠舊

家留得一莊荒開衙地可尋蘇白種樹人猶說綺黃他日
相思官舍近爲分峯影表湖光

復題竹嶼松楸丙舍圖

鍾山鬱鬱生松楸謝公臥處土一邱王家自有丙舍帖特
與縑素相綢繆君來過我出橫卷兩世情從墓門展謂尊
亭侍御與哲兄香園曩在都下過從最數展卷輒愴然也迴風瞥忽四山來寸樹心長
百年短棠陰一舍花一城送君相勗非榮名江邨老眼摩
挲處樹表停雲無限情

雨興用章芝楣見示韻二首

湖樓細雨捲千重靜掩湘屏聽晚鐘流水爲誰終日鬧歸
雲只分片時濃徑思野岸牽舟住便欲荒邨負米春嶠月

壺烟留不得溪邊魚鳥且從容

天半雲霞畫遠襟爲登芳榭費沉吟三春悵望餘香草終
古愁顏是綠陰門外客誰攜酒過山中僧合打包尋料量
第二泉邊水世味何如道味深

中秋日重過木瀆

忍負山靈約孤舟復此停水聲流古綠塢影倚秋青酒海
人都散樵風夢易醒舊曾題壁在和淚上旗亭

寒山鐘落處隱隱十三年寺掩牧牛外橋橫飛鷺前地有牧牛
庵鷺飛橋賽神分社火留客散茶烟人月圓何許驚心似下弦

偕同人歷靈岩天平諸勝歸途作此

一鏡洞庭秋峯峯選勝遊望中紅樹合腳底白雲流蕭寺

模糊影梧宮黯淡愁尙書遺墓在淒絕是荒邱

虛壁一峯轉籃輿如鳥飛石憐腰腳換松笑鬢毛非路滑

煙浮舄天空翠濕衣捫蘿成悵惘所恐負岩扉

題盛青嶼先生遺照應從孫念泉屬

先生與沈石均盤張永夫錫祚

黃聖鴻子雲經沈文愍定爲木漬四詩家

閒從吳下數靈光當日才名盛孝章天上少微猶掩映山

中高臥太蒼茫江聲走筆黃牛口岳色銜詩白雁行俱用集中

事展卷尙留生氣在我來偏謁墓門荒

烟墨蕭然字易昏補圖爭說舊篁邨

圖爲張篁邨宗伯所補

天容東

野成寒士人羨昌黎有從孫清廟未諧操瑟響王門猶記

碎琴痕

時客某親王府

題詩若準遺山例只有溪南老最尊

采芝篇爲吳養怡賦

靈岩直接青芝峯春風一綠無秋容香山去後來者少天台擲下仙人筇骨青髓綠寫誰某中有山人說吳叟令子吳筠亦俊才抱畫求詩兼載酒廬山五老高插天九老或有松周旋華芝采采日盈把欲躡商嶺遊翩翩西津橋頭照顏色夏黃公來蹋秋碧社中幾輩古衣冠相對時時岸巾幘落花飛蓋日夕陪十光九色紛裴裒他年笑語卜鄰處紫芝睂宇從君開

高郵舟夜冰阻

天水洄寒色珠光去不回凍連斜漢合冰徒大江來醉臥餘荒驛文遊尙古臺車聲飛到處枕底轉晴雷

寶應途中打冰作

層冰我我河未泮燭影接天搖彼岸千篙萬杵不停聲十
萬黃頭助呼喚東船西舫不得行十里五里愁河兵門前
不顧鵝鴨惱枕底直使蛟龍驚此間春漲兼秋潦待得凝
寒凍偏早誰使金隄限雨淮忽看銀海搖三島沈沈塞土
無奈何出塞髣髴冰天過鵲聲破曉起蹋凍獨客猶眠水
晶夢

東坡生日集蘇齋閱天際烏雲帖後所書門茶事適
荷屋前輩送蔡君謨茶錄至

坡書君謨夢中句與門茶事相蟬聯蔡書茶錄乃奉勅色
香分部羅成編蘇齋一老蓄古癖日坐禪榻花風顛松屏

自偃有妙理荔譜待擘無新詮法書一派辨真僞韻事兩
家爭後先因思東坡判杭日述古閣子方開筵侵尋舊事
試新墨要趁試院松濤煎湖山拂拂生氣迴瞥有春夢紛
迴旋篆痕裊斷八百載藥爐經卷隨雲烟適來蔡卷觀完
本不比陸羽茶經傳詔書上溯治平歲詩句下證熙寧年
此中鴻爪亦幻耳一年一祀清齋前展公笠屐拜公像雙
持墨寶空流連

尚絅堂詩集卷四十五終

尚絅堂詩集卷四十六

陽湖 劉嗣綰 醇甫

雲心集上

癸酉

雲無心以出岫豈知入山出山同一無心乎晴雲在
空髣髴遇之矣

送金五近園丁憂南還

一雁衝寒下江邊樹影稀出門成獨往入世悵分飛壯志
空今古清門有是非此行期努力珍重爲春暉
燕社驚心盡鴿原感逝多支離餘骨肉涕淚滿關河世事
搏沙幻生涯散雪過春明堅後約且莫歎蹉跎

題朱芝圃前輩海上受降圖

旄頭搖搖陣雲黑檣檣紛飛死灰色將軍橫海順風呼手
擊鯨波歸指畫潢池弄兵年復年四水倒立森戈鋌忽除
營寨向鹿港盡掃臺堠銷狼煙蔡牽垂流巨舟覆別幟高
張有朱渥赦書一紙下天邊金底遊魂帳前伏受降高築
十六城二十三島皆風聲渠魁膽落妖星驚黃巾青犢俱
蒼生叩頭崩角盡輸款巨艦迴風不辭遠積甲高將熊耳
齊挂弓近逼扶桑滿是時太守陳軍容轅門乞命負弩從
蟲沙不化夏甸土牛犢頓返春疇農德威方祝 聖人壽
朱渥以祝 報海上羣生均在宥斯圖繪出等倂幪三島
日帥黨投誠十洲如戶牖先生立馬鰲峯顛海鯉自徙靈鼉鞭他時留
貯金箱看壓倒當年籌海編

送宋芷灣前輩出守滇中

馬頭蕭蕭喚行李一麾出守一萬里獐花犴鳥開笑顏卻

如天上看人間滇中大吏天下少

謂伯雨亭制府孫季圃中丞

況有故

人立天表

謂顯南雅學使

班春六詔聽風謠文翁化後絃歌調君

行不獨誇詩格蒙段山河亦生色此間詩社近十年閒門

冷落誰周旋後夜花梢上月影思君夢落牂牁艇

爲石士前輩題南昌舊園圖

生綃剪破烟濛濛一亭一石東湖東圖中主人說向我韻

事拾得蘇齋中

翁覃溪先生歲已卯典試江西時園尚在越三十年持節重過其地而園圯矣爲述

其顛末

蘇齋持節歲已卯後三十年再搜討園時無主并

無園卻遣野雲來屬稿

圖係朱山人野雲所作

故家喬木連千章他

山之石水一方園中科名屈指冠海內未許煙墨成荒莊
我昔百花洲上佳西竹寒雲北蘭樹忽從展卷憶追尋約
略年時挂筇處鴻雪低徊年復年平泉花木記重編夜來
夢落烟波外惟有章江水拍天

書宜興李氏三忠事蹟後

李用相字若濟號武舟崇禎癸未進士仕永明王
朝由瓊州推官為御史時袁彭年金堡等橫執朝
政號五虎公劾罷之後擢肇高廉雷瓊巡撫大
清兵下欽州公走靈山勞貞觀家園池死公同
弟來族祖頤皆丙戌進士來官監軍道大兵下
欽州戰敗死德慶州頤官監察御史嫉孫可望謀
誅之事洩與大學士吳貞毓等十八人同日被害
合葬於安隆北關之馬場入大清勒碑馬場曰
十八先生成仁處碑有林青陽而無李頤名蓋青
陽出使逮至後被殺三藩記事本末見聞隨筆可
考也用相元孫慶來懼其先世事蹟久而就湮
屬趙君懷玉吳君德旋合而傳之而余為此詩

明宗緒覆留炎荒誰其國者桂與唐書三忠事灰劫詳氣
焰有似長虹長中丞特立軀堂堂起家給諫撫海疆五虎
同惡紛披猖公也抗疏除豺狼大師直下潯梧當止水
碧葬勞家塘時公弟來監戎行死肇慶難懼其殃公族祖
頤名早揚身爲御史氣激昂嫉孫可望糾朝章忠謀一洩
妖氛張一十八人死馬場嗣死節者林青陽一門骨肉何
蒼黃書三忠事灰劫詳君家潛德今且彰作詩請爲鄉閭
光

鄭松谷同年

鵬程

出守常德以詩送之

離尊款款下燕臺鄭谷詩懷片席開客興一官浮漢去宦
程九面望衡來人從寥落思交誼事歷艱難出治才記取

京華臨別意郵亭不惜首重回

題朱澗東湖山草堂圖卷

吳烟楚雨天冥冥東南勝景雙洞庭先生生吳壯遊楚挂
席往返窮圖經草堂喫墨入湖水筆底呼吸通湘靈天生
一卷妙神化九疑西去何始塸鯉魚風急素書起澧蘭沅
芷吹芳汀夢回龍女俯而笑煙鬟低顰君山青吳波瞥忽
幾千里照見林屋光瓏玲雲中君來語天半行雲欲往空
中停先生出入具畫理別貯邱壑開亭亭門前一灣足消
夏七十二峯如硯屏永州老守不可見賸有縑素遺芳馨
展圖臥遊枕蓬底落句似有蛟龍聽

奉常仙蝶圖爲錢衍石賦

松雲棲棟蝙蝠飛中有一蝶開銖衣承華殿角奉常省柳
棚下款人間扉芝房清齋蕙厨膳不羨羅浮大如扇驚紅
驟綠滿瑤壇一點黃裳背人絢餐風吸露五百年得毋羽
化仙乎仙生來不解花底活裁出丰骨殊翩翩錢郎家住
宣南曲過訪何曾肯經宿瞥眼人天只刹那龍旂奕奕飄
塵躅是周是蝶紛模糊漆園傲吏今所無他年搗出泥金
稿壓倒滕王蛺蝶圖

題龔聲甫問石圖

問天不識高與卑問月不知盈與虧長松揮塵作譚柄惟
有片石相追隨生公臺前一片石石不能言問何益忽然
飛下西臺歌亂石聲中聞擊節載石石一舟拜石石一邱

不如袖中出東海縹緲透瘦外夫何求蒲團坐破虛空碎終日雙趺與石對石交一言請君佩有角還當挫其銳

中秋望月有作

抱影空庭各自留碧天涼夜思悠悠戶開四萬窺修月界徹三千想倚樓迴憶霓裳如隔世忽拋團扇向深秋懸知瑣院高寒處應占清光在上頭

東海金景林以鴻臚少卿奉使至相遇蘇齋覃溪先生書自怡堂三字贈之蓋取朱子閒中自怡悅邵子萬里雲山祇自怡意也詩以贈之

紫陽喜吟咏閒中娛澗阿堯夫玩烟雲自足安樂窩名教出几席持贈不在多散之縱六合往往方寸羅金君海外

賢卽事相摩挲求書得至味蘇齋百東坡我生適同庚萬
里眉睫過一塵一須彌一波一刹那往來具情興縑素夫
如何卻笑陶隱君怡悅乃嘯歌

秋暮龔聲甫招飲集晚香亭看菊卽事呈主人趙象
菴先生

六街塵起迷三义一月不見秋邊花龔生導我款幽徑青
鞵蹋破山人家斜陽入林漏平地一角孤亭晚香細種花
競說主人豪益益高低各如意蕭寒風日交參差面壁自
寫橫斜姿縱饒骨格傲塵外中有籬落誰支持門前大地
生荆棘露葉風枝苦相接青蟲不復吐纏綿淚滿秋蕪灑
黃蝶舊遊回數三十年花中羣屐飄如烟屏風主客半名

姓一盞只分澆寒泉當花謝客客無語主人悠然倚心許
歸來高枕臥空堂秋夢低徊飛綠雨

寒夜有感和向亭韻

老去風期託草廬得抽身處且閒居勞生已分甘壅日過
客新看謝翹車計吏心枯平準略儒生淚墮治安書夜牕
兀坐思投筆獨擁寒氊負蠹魚

元余忠宣公關元魄護心鏡歌

元宣慰使余公家藏公甲上護心鏡一枚質係元
魄輕可浮水金刃不能傷鈕書公名四周有銘曰
8而三觚島火喪虞公之二十世孫鐵香向余述
之爲作歌

一鏡中攝千精靈方可照膽圓護心將軍帳下五百載一
月飛破光沉沉引鏡風前薄於紙照見元時土花紫霜鋒
雨鏃傷不成聽盡軍聲幾生死春坊兩字書公名出入風
火無時驚伴公歸處一泓水魂魄黯淡心分明鏡兮身輕
鏡心重百萬軍心憑鏡用但看異類影鳶梟那識同心集
鸞鳳公之孫子今鐵香鐵腸作作森光芒千秋呵護此神
物曷不躍馬行沙場軍事從來鏡堪卜仁壽能令百妖伏
大觀亭外鬱蒼茫夜見然犀照窮谷

小集矩堂同年寓齋題聽濤書屋圖卷

空堂瑟瑟風濤生萬松山立學水聲松聲入畫得畫理邀
我卻作聽濤行君家滇南萬餘里松色微從點蒼起忽攜

圖卷到蓬萊酒渴詩狂墮杯底此時人海騰蒼茫天水出
沒相宮商魚龍變幻萬怪惑瞰與鱗甲爭低昂萬濤影裏
三間屋檐外飛流驚亂瀑都忘槎斗接星河但覺笙鐘沸
山谷濤落濤生不自知七絃定後爲題詩安排石鼎聯吟
客臥聽松風入夢時

題桂舫先生聽雨第三圖

謝氏池邊憶弟昆連牀情味幾朝昏西堂一昔纏綿雨留
作圖中屋漏痕

長公詩酒憶軟筵吳下分襟已卅年一樣雨聲分兩派出
山雲與在山泉

臘日偕仙槎韻樓春舫藕耕琴南集穉圭齋卽用東

坡集中臘日遊孤山韻

梅里社笠澤湖清光入夢到曉無一鞭過戶馬突出雙屐

款門鳩亂呼闔中方對妻與孥尋君佛日伴佛娛山肴野

簞足鄉味四座且勿心煩紆南天名士可一廬

客皆雲南湖南河南

江南

有客不來惟鬱孤

時遲朱薰

當筵一笑咄嗟辦盡設

粥鼓供團蒲寒山我愧辭凡夫何郎官閣輕煙晡只愁滕

六駐空駕門外雪壓芭蕉圖階前鴻爪印有餘到家酒醒

一枕遽和詩忽憶逋仙逋堂中白戰難重摹

疊前韻簡朱薰楮

乞陽羨賜鑑湖我歸田兮一頃無市中日日逐屠狗遇魯

朱家方醉呼君齋鶴子如寄孥入座恨不攜清娛槐風梧

雨一瀟灑導我小步迴廊紆吾愛何必真吾廬愛屋及烏
德不孤階前石癖亦何有拜竹惟見青菖蒲君行將駕命
僕夫趨朝退食日未晡他時五馬壯行色所恐鬱林無此
圖我今五十亦已餘知非之學愧衛蘧索詩有似索急逋
盛遊一往難手摹

再疊前韻答賀藕耕

君不見淨業湖西涯一去文采無君家湘夢閣中畫日日
鷓鴣相對呼君愛細君兼及孥東鄰賣癡方自娛團圞燈
火夜深坐笑結羊腸愁用紆天寒四野張穹廬鐵騎飛來
吹角孤流民攔道苦無告眼看草竊成荏苒過君敢笑君
非夫門掩朝春及夕晡擁書紙閣日呵凍足傲袁安臥雪

圖冬心抱得勤三餘竹牀一枕如蘧蘧掃愁帚縛清積逋
執卷且把唐虞摹

余去歲於臘月十二日由里中抵京同人卽於是日
招集穉圭齋中已一年矣今日重續是舉卽用前韻
復記以詩

觴泛水杯渡湖高陽酒徒今已無適來人海歲已徂多愧
折簡相追呼維鶴有雛雞有孥東鄰鵝鴨日夕娛去年今
日過君處垂柳在門路曲紆君齋清絕如精廬張南周北
亦不孤脫巾過從忽自笑早衰那不同秋蒲著論便欲追
潛夫寸陰可惜吁更晡春盤薦菜易寒具準備草堂人日
圖綵花在樹三九餘竹光入几名曰蘧回看落日如亡逋

願得雅集西園摹

盆梅

歲寒誰與結綢繆小約梅花貯案頭高閣自憐形束縛空
山惟有夢勾留冰霜已歷閒中劫水月難忘世外遊問訊
天涯春到未更無翠羽喚羅浮

琴南香影龕銷寒小集觀壁上畫梅卽寄懷南雅學
使滇中

驛騎書來笛聲墮天外濛濛暗香破疎燈四壁影一龕清
夢忽落滇雲南滇中故人辟疆主官閣沈沈亂山阻森然
自足鐵石腸花底不容出手將時南雅別攜吟卷對花酌
肺腑高寒夜深嚼紅霞一口向我飛不及面壁相因依董

生支頤看畫稿畫裏題詩恐花惱推牕搦管搖向風參橫
月落春山空

同人集藕耕湘夢軒銷寒卽席得葛仙米十四韻

紙閣張寒具評量到葛仙登肴當永夕數米入嘉筵勾漏
原名洞丹砂別作田畧囊分雨露竹粉粳風烟粒啄鸚餘
後糧偷雀噪前裹曾經累月采已及千年乃者灾祲告因
之草竊延背嵬臨水路減漚舉烽天出甲三農曠呼庚萬
口煎稻梁鴻澤外葵麥燕風邊白爛山中石紅炊水上蓮
菜誇諸葛里蕪憶李鷹船夏飲沉菰處春盤薦韭先他時
足鄉味蔬譜約偕編

郭烈婦詩

臨海諸生郭元璋妻鄧氏夫死鄧年二十三撫孤
已五載孤痘殤鄧雉經母覺呼救鄰嫗爲度氣口
中始甦鄧愠甚取翦翦兩脣噴血不食以死此乾
隆三十年間事也今郭鄧兩家俱式微尙未得邀
旌典予聞之宋确山輒爲詩以紀

夜臺啞啞啼曉鳥妾不殉夫因撫孤撫孤不生妾生盡漆
燈照泉妾無命續妾命斷妾腸未亡人與脣俱亡嗚呼脣
亡舌無語石闕銜碑妾心許

九蓮像歌

妙鬢一朶慈雲遮長椿寺古叅毘耶火蓮出劫尋初地仙
李蟠根出內家前朝帝后宮儀正神言降自空中聽少海

星孤憶悼靈恒河月滿瞻慈聖堯母門開徽號遲上儀惟
有閤臣知賜金新鄭還鄉日顧命江陵柄國時兩宮侍膳
張清讌賞花傳酒承歡徧朝諫勤披東觀書夜遊曲屏西
城宴垂簾風範異唐宮帝鑑圖陳頌肅雍內使傳呼扶玉
輦外庭朝會仰金容証到天龍拈一指官家爾亦都人子
日角方開松棟基月華已隕椒房址專寵當年有鄭妃高
元密誓枉牽衣三生縱證天人果九死難逃禍福機武清
侯第傾恩澤全家戚晚冰山迫一紙倉黃借餉書布金枉
向空王宅歡喜緣慳悟宿因貝多樹下省前塵丹書盡識
香龕畫金碧長留古殿春荒烟蕭寺成遺躡麥飯冬青餘
一哭妙明寶剎現祇林冷落顏垣出斑竹過眼滄桑三百

年石碑銜口弔銅仙風燈俯仰人間世載拜圓壇九瓣蓮
詠畫屏風四時曲擬庾子山

平橋通泛鷁曲巷碾迴輪烟柳飄中簾風花豔上春鶯催
珠箔曉燕入畫梁新年年溝畔水流照浣衣人

風香棲舊竹露酒卷新荷津亭連白鷺山館出紅鵝交燈
花底宴迴帆柳下歌請看石上月猶是古藤蘿

留寶雲外館載妓水陰舟細樹平臨檻飛花高入樓仙掌
承風露紗牕宿斗牛玉簫吹過處留住一分秋

竹響千竿雪梅交六出花獸煙金鵲尾蠶紙玉鴉叉舞茵
驚滿月歌筵散落霞城南游騎出獵火照山斜

樹根天然鹿歌朱薰楣齋中賦

銜花野鹿徑已蕪平野無復呦呦呼樹根脫落倘折角配
以文石誇形模空齋天然闢林藪不向山中召羣友主人
無事日摩挲肯使松閒鋌而走鹿兮笑爾材不材几席不
于胡爲哉洞天只合講經住海上不見傳聲來龍竇虎僕
俱文從鹿女能來亦清供貯待空墮一綠成疏牕日掩芭
蕉夢

小除夕前一日仙槎編修招集寓齋用東坡集何長
官六言詩韻五首

祀神今夜如願守歲誰家仲容草堂佇作人日紙帳先亞
春風

門前樹寫吟思天外山留睡容雪牕雅有晉意花塢自足

唐風

林宗巾帔蕭灑叔子裘帶雍容梁園日日折簡賦雪亦復

吟風

焚香淨几閒坐散花斗室能容談天別出瀛海縮地思遊

閩風

省郎忽過水部殘客何來敬咨君家畫壁大好添我便作

屏風

守歲

空齋賸得歲寒圖對影聊偎楮櫺外香還聚栢子閒

中景只伴桃符阿咸苦說鄉音別

時全家俱在里門臣叔

惟將官鬢孤翻憶故園今夜聚全家燈火夢江湖

尚絅堂詩集卷四十六終

尚絅堂詩集卷四十六終